



Torunn Nilsen
Skjelangervegen 770
5917 ROSSLAND

Referanser:
Dykkar:
Vår: 15/651 - 15/8359

Saksbehandlar:
Laila Bjørge
laila.bjorge@meland.kommune.no

Dato:
27.04.2015

Løyvd tilskot til grøfting på GBNR 53/1 på Landsvik

Administrativt vedtak. Saknr: 134/2015

Saksutgreiing:

Torunn Nilsen som driv foretaket 971233508 søker statleg tilskot til drenering av jordbruksjord på gbnr 53/1 på Bratshaug og på GBNR.57/1 som er leiejord på Sætrevik.

Søknadane er motteke 04.03.15 og omfattar eit areal på 35 + 8 daa. Tiltaket på heimejorda er på om lag 403 meter hovedgrøft og sidegrøfter. Noko av grøfta skal leggjast att for å få lettare drift på jordbruksarealet. På leiejorda er det søkt om 150 meter usystematisk grøfting. Alt arealet er på tidlegare grøfta jord.

Søknaden har vore sendt på høyring til kulturminnestyresmakter og det er levert inn kart og Miljøplan trinn 2 med søknaden.

Saka er handsama etter delegert mynde frå kommunestyret. Kommunen avgjer søknaden, men fylkesmannen står for utbetaling av tilskotet.

Vurdering:

Det er i Miljøplan trinn 2 opplyst at målet for tiltaket er å drenera vassjuk jord gjennom usystematisk grøfting og lukking av opne grøfter som vil utvida arealet som kan vert nytta til slåttemark. Tiltaket vil gje ei generell forbetring av jord- og plantekultur, noko som kan gje større avlingar av betre kvalitet og betre utnytting av gjødsel, samt mindre avrenning av næringssalt og redusert utslepp av klimagassar. For søkjar medfører tiltaket lettare arbeidstilhøve og betre økonomi. Tiltaket har positiv effekt på kulturlandskapet, då arealet som har vore vassjukt og delvis ute av drift no vert stelt til og tatt i bruk som jordbruksareal.

Det er søkt om lukking av delar av ei hovudgrøft. Kommunen vurderer det slik at dette ikkje er tale om bekkelukking, då dette ikkje er ein vasstreng med årssikker vassføring og difor ikkje treng særskilt løyve til lukking. Etter forskrift om produksjonstilskot kan ein ikkje gje tilskudd *dersom det foretas inngrep som forringer kulturlandskapet. Dersom annet regelverk ikke er til hinder for det, kan kommunen likevel forhåndsgodkjenne inngrepet dersom det avhjelper betydelige driftsmessige ulemper jf §4.* Det er her tale om å få stelt i stand areal som tidlegare har vore dyrka for å kunna gjera maskinell hausting. Kommunen meiner at dette er ein stor føremon for drifta og godkjenner tiltaket som er omsøkt.

Berekning av tilskot

På heimejorda på GBNR 53/1 er det søkt om 403 meter usystematisk grøfting a kr 15 pr. lm sum kr 6045. Sum tilskot kr. 6 045,-

På leigejord GBNR 57/1 er det søkt om 150 meter usystematisk grøfting a kr 15 pr. lm sum kr . Sum tilskot kr. 2 250,-

Kulturminne

Søknaden har vore på høyring hjå fylkeskommunen og det er ikkje registrert konflikstar med kjente kulturminne. Fylkeskonservatoren skriv: *Vi har difor ingen avgjerande merknader i saka, utover at ein under opparbeiding av feltet søker å unngå inngrep i/skade på eventuelle kulturlandskapstrekk som steingardar, eldre vegar/stiar, bakkemurar, tufter m.m.*

Det er registrert automatisk freda kulturminne på gbnr 57/1, men dei ligg eit stykke i frå den dårlege grøfta som skal ordnast, og kjem difor ikkje i konflikt med kulturminnene.

Naturmangfaldlova

Det er gjort søk i Naturbasen og det er ikkje registrert opplysningar om artar eller naturtypar, som kjem i konflikt med dreneringa. Kommunen vurderer kunnskapsgrunnlaget som tilstrekkeleg opplyst for å vurdera konsekvensar dreneringa med tanke på naturverdiar.

Administrasjonen kan ikkje sjå at dreneringa vil ha andre negative verknader.

Generelt gjeldt det at alle inngrep som blir gjort i samband med dreneringa, skal utførast mest mogleg varsamt og med omsyn til terreng og vegetasjon. Ut frå ei samla vurdering meiner administrasjonen at det er tatt naudsynte omsyn til naturmangfaldet jf §§ 8-12 i naturmangfaldlova.

Konklusjon

Tiltaket vil gje lettare arbeidstilhøve og større avling av betre kvalitet. Det er ikkje registrert at tiltaket kjem i konflikt med viktige kultur- og naturverdiar.

Administrasjonen meiner tiltaket er i tråd med føremålet til forskrift om tilskudd til drenering av jordbruksjord og løyver kr. 6045,- og kr 2 250,-i tilskot til tiltaket

Vedtak

Meland kommune løyver inntil kr.6045 i tilskot til inntil 403 meter grøfting til Torunn Nilsen på gnr. 53, bnr.1 i tråd med søknad synt på kart motteke 04.03.2015.
Meland kommune løyver inntil kr. 2250 i tilskot til inntil 150 meter grøfting til Torunn Nilsen på gnr. 57, bnr.1 i tråd med søknad synt på kart motteke 04.03.2015.

Arbeidsfrist er sett til 30.04.2017

Vedtaket har heimel i forskrift om tilskudd til drenering av jordbruksjord § 5 jf §3. Forskrift om produksjonstilskot §4 og naturmangfaldlova §§ 8-12.

Generelle vilkår for løyvinga:

Dersom ein under gjennomføring av tiltaket støyter på automatisk freda kulturminne, skal arbeidet stansast og regionalt kulturminneforvaltning kontaktast.

Arbeidet skal godkjennast av kommunen, og minst 30 % av tilskotet skal haldast attende til tiltaket er ferdig. Gje melding til kommunen når arbeidet er ferdig.

Dersom det oppstår tilhøve som er i strid med føresetnadane for støtte kan Meland kommune avgjera att tilskot skal betalast tilbake heilt eller delvis.

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til Fylkesmannen i Hordaland, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønskjer. Klagen skal grunngjevast.

Med helsing

Anny Bastesen
sektorsjef teknisk

Laila Bjørge
landbrukssjef

Dokumentet er elektronisk godkjent og har difor ingen signatur.

Kopi til:

Fylkesmannen i Hordaland	P.b 7310	5020	BERGEN
--------------------------	----------	------	--------

Mottakere:

Torunn Nilsen	Skjelangervegen 770	5917	ROSSLAND
---------------	------------------------	------	----------